

Forskrift om open brenning og brenning av avfall i småomnar, Stryn kommune, Sogn og Fjordane

Dato	FOR-2014-12-18-1928
Publisert	II 2015 hefte 1
Ikrafttredelse	18.12.2014
Sist endret	
Endrer	
Gjelder for	Stryn kommune, Sogn og Fjordane
Hjemmel	LOV-1981-03-13-6-§9 , FOR-2001-07-19-1706
Kunngjort	15.01.2015 kl. 15.30
Rettet	
Korttittel	Forskrift om brenning av avfall, Stryn

Heimel: Fastsett av Stryn kommunestyre 18. desember 2014 med heimel i lov 13. mars 1981 nr. 6 om vern mot forurensninger og om avfall (forurensningsloven) § 9, jf. delegeringsvedtak 19. juli 2001 nr. 1706.

§ 1. *Formål*

Formålet med denne forskrifta er å unngå ureining og helseproblem i kommunen som følgje av open brenning og brenning av avfall i småomnar. Det er også eit mål å auke utnyttinga av ressursane gjennom materialgjenvinning og energigjenvinning.

§ 2. *Virkeområde*

Denne forskrifta gjeld open brenning og brenning av avfall i småomnar innafor kommunen sine grenser.

§ 3. *Definisjonar*

I denne forskrifta gjeld følgjande betydning:

- a) *Open brenning:* All brenning som skjer utandørs.
- b) *Småomnar:* Forbrenningsomnar som ikkje er tillatne av Miljødirektoratet eller fylkesmannen eller er tillatne etter statlege forskrifter etter ureiningslova.

§ 4. *Forbod mot open brenning og brenning av avfall i småomnar*

Open brenning og brenning av avfall i småomnar er forbode, med mindre anna fylgjer av forskrifta sin § 5.

§ 5. *Unntak frå forbodet*

Følgjande brenning skal likevel vera tillate:

- Open brenning på grillinnretningar, utepeisar og kaffibål.
- Brenning av avfallstrevirke, med unntak av rivingsavfall og impregnert og måla trevirke.
- Brenning av Jonsok- og Olsokbål.

- Ranke- og flatebrenning i landbruket i god avstand til tettbygde strok.
- Kulturarrangement med vardebrenning eller liknande.
- Brenning av tørt hageavfall i god avstand til tettbygde strok.

§ 6. *Dispensasjon*

Teknisk utval kan i særlege tilfelle gje dispensasjon frå forbodet i § 4 etter søknad.

§ 7. *Tilsyn*

Kommunen vil føre tilsyn med at reglane i denne forskrifta vert følgd.

§ 8. *Klage*

Vedtak fatta av teknisk utval i medhald av denne forskrifta kan påklagast til formannskapet.

§ 9. *Straff*

Brot på denne forskrifta kan medføre straffeansvar jf. ureiningslova § 78.

§ 10. *Iverksetting*

Denne forskrifta trer i kraft straks. Vedteke av kommunestyret i møte 18. desember 2014.